

10. april 2024

UPA2024/18

Aningaasatigut peqquserluutininik malunnarunnaarsaaneq aamma peqqarniisaarniarnermut aningaasalersuineq pitsaaliorniarlugit pineqaatissiissutit pillugit inatsisini (aningaasatigut peqquserluutininik malunnarunnaarsaaneq pillugu inatsit) inatsisit assigiinngitsut aalajangersagaanni, Kalaallit nunaani ataatsimut peqqussummik Kalaallit Nunaanni Namminersorlutik Oqartussat atulersitsinerat pillugu Inatsisartunut aalajangiiffigisassatut siunnersuut

(Aningaasaqarnermut Akileraartarnermullu Naalakkersuisoq)

Siullermik Siumumiik Naalakkersuisut qutsavingerusuppagut aningaasatigut peqquserluutininik malunnarunnaarsaaneq pillugu inatsisip nutarterneqarneranut.

Inatsit annerusumik allanngussangilaq, nalimmassaanerullunili.

Allannguutissat ilaat ukuupput:

- Nakkutilliinermut tunngasut.
- Kortit siumoortumik immeriikkat kinaassutsimik takutitsinani inerteqqutaalissapput.
- Qarasaasiakkut aningaasalianut tunngasoq.

Siumumiik tusarniaanermi akissutit maluginiarparput. Uani aningaasanik tingumisinnaaneq 50.000 kr- miit, 15.000 kr- mut appartinnissaa siunnersuutigineqarpoq.

Nalunngilarput Nunatsinni aningaasat annertuumik atorneqarsinnaasut, soorlu aalisarnermi, piniarnermi allatigullu Kalaallit iluminni niuernerini atungaasarlutik.

Siumumiik paasisinnaalluinnarparput killilersuinerup annertusiartorneranut, tassami nunarsuarmi pinerlunnermut aningaasat tingussaasut assut atungaasaramik.

Siumumiik siunnersuutigissuarput Ataatsimiisitaliami nunatsinni pissutsit qulaajarneqaaqqaaqqasut, tassami piffinni attaviluttuni, atuisunilu unammillernarsinnaasut paasilluaqqaartariaqarpagut aammalu inuiaqatigiinni atortorissaarutit nunami isorartooruarmi qulakkeerneqartariaqarmata.

Suliffeqarfiit illoqarfimmiittut aningaasanik tingussaasunik akiliutitut tingusisinnaanerata killilersornissaa ajorinngilarput, kisianni sineriami attaviluttumi allanullu atuisunut piareersimangittunut, soorlu utoqqarnut pitsaasumik aaqqiisariaqarpugut.

Siumumiik inatsisip nutarternissaa pissusissamisoortipparput, kisianni nunatsinnut tulluarsarnissaa soorunami qulakkeertuaannassavarput.



Siumumiik naatsunnguamik taamatut oqaaseqarluta Aningaasaqarnermut,
akileraartarnermullu ataatsimiisitaliamut suliassanngorlugu ingerlateqqipparput.

Qujanaq.

Kuno Fencker, Siumut